


320
85
—
181

欽定八旗通志

典禮志



卷八十三
之八十四

欽定八旗通志卷八十三

典禮志六

八旗軍禮

大閱

京營訓練

親征

凱旋

命將出征

遣使頒勅

凱旋

大閱

大閱之禮三歲一舉兵部奏請

欽命王公大臣六人總理其事徧飭八旗火器前鋒護

命八軍驍騎諸營修整戎器甲冑金鼓旗纛之屬欽天

監諏吉前期二月八旗佐領各出弁卒為大閱之

衆

命八旗都統副都統前鋒統領護軍統領各勒所部於

演武場訓練士衆嚴明紀律前二日武備院卿率

官校赴

大閱處列

御營張

幄殿設

御座於正中張圓幄於

殿後設

御用甲冑弓矢於幄內八旗將校甲兵依式布步騎軍

營翼日總理閱兵王公大臣督諸軍各宿軍幕屆

日五鼓鑾儀衛陳騎駕鹵簿樂部陳饒歌樂於

行宮門外乃饗軍士食畢饗諸軍皆貫甲出營列陣

列陣之制去陣前百四十有七丈建大纛以爲軍

表左翼鑲黃正白鑲白正藍以次而東西上右翼

正黃正紅鑲紅鑲藍以次而西東上陣內諸軍各

欽定八旗通志 卷八十三
按旗依表爲隊最前爲漢軍火器營滿洲護軍火
器營驍騎火器營並列各別其隊合漢軍滿洲火
器營統兵大臣十有七人將校七百十有二人兵
八千三百七十有六人其後間二十有五丈爲首
隊兵八旗前鋒居中八旗護軍驍騎各按翼按旗
分列前鋒左右合首隊前鋒護軍驍騎統帥十有
六人將校二百九十有六人兵四千四百十人又
後間十有五丈爲次隊兵八旗護軍驍騎各按翼

按旗分列合次隊護軍驍騎統帥八人將校百四
十有四人兵三千五百二十有八人大軍左右分
張兩翼爲協隊按旗相屬斜行雁綴成列合協隊
護軍驍騎統帥八人將校百三十有六人兵千七
百六十有四人滿洲蒙古漢軍合委散秩官八人
驍騎校八人驍騎二百二十人禁約謹譚又合委
傳宣官八人驍騎校八人護軍校八人承傳軍令
軍陣旣嚴兵部尙書侍郎詣

行宮奏成列司礮舉礮三饒歌大樂作奏壯軍容之
章

皇帝乘騎出行宮侍衛二十人前引大臣十人騎而導
後護領侍衛內大臣二人侍衛班領率豹尾班侍
衛執槍十人佩刀十人佩弓矢十人騎而從

駕入

御營

躬御甲冑扈從王公大臣侍衛親軍咸擐甲侍班滿漢

九卿記註官蟒袍補服豫於

御營前恭候兵部尚書奏請

閱兵

皇帝佩刀出

御營屬橐鞬乘騎前張黃龍曲蓋一武備院官掌之兵

部尚書侍郎二人騎導前引後扈如前儀總理閱

兵王公大臣滿大學士乘騎隨從三旗內大臣散

秩大臣率親軍舉黃龍大纛三旗侍衛親軍各從

侍衛什長親軍校隨肅扈

蹕有執事王公附豹尾班後隨行

皇帝入自左翼出右翼由列陣中路行經驍騎護軍前

鋒諸隊前火器營諸隊後陣前將校甲士各就列

迴身以向恭蒞

駕過

皇帝周視隊伍還營

御幄殿前引大臣分立殿前東西面後扈大臣侍衛翼

立

御座左右

殿外東西列豹尾班侍衛建黃龍大纛一侍衛親軍

按隊環衛總理閱兵王公大臣大學士兵部尙書

侍郎立於殿外階上西位東面執事王公侍班九

卿記註官分翼立於階上東西面

御營前左右列侍衛各六人八旗傳令官在其下滿洲

索倫蒙古善馭馬侍衛三十人不擐甲按翼立侍

衛後備馭驚軼之馬屆時兵部尙書出班跪奏鳴
角開操變儀使率鳴角軍進

御前蒙古大角鳴承傳海螺以次遞鳴達於軍陣司礮
三舉礮諸陣內擊鼓螺角畢鳴乃行陣擊鼓鳴螺
昇鹿角整隊前進鳴金止一字成列領隊甲士麾
紅旗鎗礮齊發鳴金止再擊鼓鳴螺整隊而進鳴
金麾旗發鎗礮如是者九初進以二十丈再進以
七丈五尺爲率至第十進大小礮連環鎗齊發無

間鳴金三乃止開鹿角爲八門首隊前鋒護軍驍
騎甲士以次出次隊車隨之火器營兵列於後鹿
角門閣諸軍出鹿角外旣成列八旗齊鳴螺諫而
進左右翼兵雁綴斜行成列並進軍中鳴金止乃
鳴螺振旅而還各列於初成列之地兵部尙書出
班跪奏大閱禮成

皇帝入

御營釋甲胄扈從王公大臣侍衛各退咸解甲具吉服

隨

駕還行宮司礮舉礮三饒歌清樂作奏皇威之章將帥各率弁兵按隊歸營解甲徹幕中嚴約束依次入城翼日變儀衛陳

大駕鹵簿

皇帝乘騎回鑾警蹕如前儀

駕還宮

恩賜賞賚有差

京營訓練

京營八旗弁兵春秋季月合操四次春日貫甲秋日常服營陣規制如

大閱之儀仲春孟秋之月按旗登城習鳴螺兵部遣官稽閱歲爲常制護軍驍騎官兵一歲三校騎射本旗都統臨視之前鋒護軍三歲一校騎射兵部疏上領侍衛內大臣八旗都統副都統名每翼

欽命數人會本翼都統臨視之八旗滿洲漢軍火器營

礮間三歲季秋月演試於蘆溝橋都城各門之礮

分三之一更遞運往同演

命兵部滿尚書一人臨視之

親征

皇帝親征之禮

命下內閣詠啟行吉日以

聞兵部承

制宣攝內外諸司各隨職供備前後備六軍

頒行軍律令

前期三日遣官祇告

天子

地

宗廟

社稷

太歲屆日遣官致祭

道路之神於

天安門外列礮於演武場遣八旗都統致祭

司礮之神鑿儀衛陳

騎駕鹵簿於

午門外前列饒歌大樂兵部設

御營黃龍大纛於

堂子內門外之南不從征王公暨滿一品官蟒袍補服從

征王以下大臣服征衣佩刀豫往

堂子街門內祇埃從征六軍分翼列陣於都門外屆吉時

禮部尚書侍郎詣

乾清門請

駕御征衣佩刀出宮乘騎前列九龍華蓋一武備院卿

騎導領侍衛內大臣侍衛咸服征衣佩弓矢乘騎

前後翊衛

駕入

堂子街門王公以下跪候過隨入武備院官豫布

皇帝拜褥於

次

卷八十三

典禮志六

九

圓殿外甬道正中及

旗纛前

皇帝降騎禮部尚書侍郎恭導由內門中門入就

圓殿外拜位南向立前引大臣止立門外後扈大臣隨侍

鴻臚寺官引王公位丹陛上引眾官位丹墀東西

鳴贊奏跪拜興

皇帝行三跪九拜禮王公等隨行禮畢禮部尚書侍郎

恭導

皇帝出

堂子內門詣

旗纛前望纛行三跪九拜禮王公等隨行禮畢

皇帝乘騎導迎樂作奏佑平之章領侍衛內大臣侍衛

班領率親軍護軍舉黃龍大纛扈

蹕王公以下咸騎從

駕出都門至陳兵處司礮三舉礮各旗將弁士卒俯伏

候過整隊隨行

駕至郊不從征王以下文武百官咸蟒袍補服跪送

車駕載途大軍分隊前驅三軍無谷賦賦之士卒前

駐蹕行營建

御營於正中前鋒軍過

御營前分列東西二營八旗護軍及驍騎張左右翼分

列十六營火器營軍礮軍綿甲軍列為四營皆環

御營為向

御營內張帳殿黃幄周黃幔為城南設旌門列黃龍大

纛於門外左右幔城外設網城東西南樹旌為三

門網城外布幕為重營東西南北各為一門護軍

參領侍衛鑾儀衛官及護軍執事人每重扈

蹕將及所征之地遣使齎

勅往諭

親御軍門簡閱將士申嚴紀律諸軍秉

宸謨廟算分道進發奏先捷班師

凱旋

皇帝親征既克有罪誡吉凱旋前期一日遣官致祭

旗纛之神屆日

鑾輿先發諸軍整旅徐旋

駕將至京內閣宣下諸司在京王公百官咸蟒袍補服

郊迎鑾儀衛陳

法駕鹵簿自郊外五里至

堂子門外

駕至郊王公百官跪候過隨行

駕入都門大樂鼓吹前導至

堂子內門禮部尙書侍郎恭導

皇帝降輿致祭

堂子王公等隨行禮畢鑾儀衛移設鹵簿起

堂子至

午門外

皇帝乘輿入東長安門至

午門百官跪候過王公隨入至內金水橋候

駕還宮皆退大師凱旋翼日遣官祇告

天

地

宗廟

社稷

太歲並遣官致祭

陵及隨征

旗纛

司礮之神宴從征將士於

御苑

皇帝親勞之策勲行賞有差禮部諏吉疏請

御殿受賀

皇帝御太和殿受中外羣臣表賀

頒詔布告天下

御製碑銘勒石太學以告成功編次

親征方畧宣付史館

命將出征

皇帝命大將軍出討寇亂先期內閣大學士擬銜名奏

請旨天下

欽定禮部製印欽天監誦書以實

聞兵部徧布諸司供備前期三日鴻臚寺官豫設

勅印案於

太和殿內東楹之南內閣侍讀二人自閣奉

勅印入陳於案鑾儀衛率官校陳

法駕鹵簿樂部牽和聲署陳樂懸王公百官咸蟒袍補

服就班位序立如常朝儀出征大將軍暨從征各

官蟒袍補服入埃於丹墀之東西面禮部尙書侍

郎詣

乾清門請

駕

皇帝龍袍補服至

太和殿北階中和韶樂作奏隆平之章

皇帝御太和殿陞座丹陛樂作奏慶平之章鴻臚寺官引大將軍升自東階立丹陛之東北面接勅印官二人從升立於左西面分引從征各官按左右翼就丹墀東西拜位均北面序立贊受

勅大學士一人入

殿左門就東案奉

勅由中門循左闌出授大將軍大將軍祇受轉授接勅官跪奉以興退竝於左贊受印大學士一人奉印

授大將軍如受

勅儀樂作大將軍暨從征各官行三跪九叩禮奉勅印官降自東階由

太和中門出大將軍從出從征各官皆出

駕與中和韶樂作奏顯平之章出師日鑾儀衛陳

法駕鹵簿於

午門外文武百官蟒袍補服按翼集

午門外東西闕下大將軍暨從征各官服征衣王貝

勒貝子公滿大學士將軍都統尚書蟒袍補服均

于東面豫埃於

堂子街門內兵部建八旗大書燈各一於

堂子內門外之南軍士執螺角列埃於街門外從征將士

大按翼分立於甬道左右禮部尚書侍郎詣

乾清門請

駕

皇帝龍袍補服乘輿出

法駕鹵簿前導百官跪送

駕至長安橋軍士吸角吹螺大將軍從征各官暨王公

大臣等跪候過隨行

駕進

堂子街門禮部尚書侍郎恭導

皇帝降輿就位行禮羣臣咸隨行禮畢恭導

皇帝至燾前行禮大將軍暨從征各官均隨行禮畢導

迎樂作奏佑平之章

皇帝回鑾遣官以師行祇告

奉先殿其日工部官豫張黃幄於東長安門列南向武備

院官供

御座鋪陳光祿寺官備酒以俟

皇帝祇告

堂子禮畢王公大臣先至東長安門分翼序立大將軍暨

從征將士先至幄外恭候

皇帝入幄陞座內大臣侍衛翊立左右

皇帝命大將軍入

親賜卮酒大將軍跪飲畢退率從征將士謝

恩行三跪九叩禮畢佩褰鞶辭

駕

皇帝命乘馬啟行樂作

皇帝乘輿還宮王公自官送

駕各退遣官祖餞大將軍於都門外禮部官豫張幕於

門外道左內務府官設燕於幕內光祿寺官備茶

酒承

旨餞送之王公大臣侍衛各官蟒袍補服。於幕外大軍按翼肅隊。大將軍至下馬。從征官咸下馬。王公大臣侍衛迎入鴻臚寺。官引就拜位。行三跪九叩禮。畢分引就燕席。禮部兵部尚書侍郎奉茶。燕畢望

闕謝

恩行禮。王公大臣等送至幕外。視大將軍啟行各退。

遣使頒勅

王公大臣出師疆場

皇帝卽軍中命為大將軍先期

臨軒遣正副使各二人持

節賚

勅印。往至日。大將軍率屬郊迎於演武場。築壇壇上正

中設

勅印案。前為香案。屆時正副使蟒袍補服登壇陳

勅印於案退東面立大將軍蟒袍補服詣香案前跪宣
勅官東面宣讀

勅文訖正使奉

勅副使奉印以次授大將軍大將軍祇受轉授從官

接大將軍行三跪九叩禮大將軍奉

勅印蒞事正副使還

朝持

節復

命

凱旋

大將軍戰勝滅寇諏吉凱旋先期具疏以

聞振旅還

朝將至

京師先遣官入奏

皇帝命廷臣以茶酒出郭迎勞大將軍率從征將士望

闕謝

恩行三跪九叩禮畢還朝翼日

皇帝御太和殿中和韶樂作奏隆平之章大將軍出班

從征內閣官二人恭奉

勅印升丹陛大將軍詣案前跪以次恭納

勅印於案退就班位丹陛樂作奏慶平之章大將軍率

從征將士謝

恩行三跪九叩禮畢

駕興中和韶樂作奏顯平之章誦吉祇告

天

地

宗廟

陵寢

社稷

先師孔子並致祭

旗纛

礮神羣臣恭進

賀表

皇帝陞殿受賀

御製碑銘勒石太學分

命儒臣編纂方畧垂示武功乃燕勞大將軍諸從征者

咸與燕翼日論功行賞有差若

命重臣經畧軍務節制將帥出征不庭其

頒勅印祭

堂子餞送凱旋之儀均與大將軍同

欽定八旗通志卷八十三

欽定八旗通志卷八十四

典禮志七

八旗冠服

宗室王公冠服
官員兵丁冠服

公主王妃等冠服
冠服通例

宗室王公冠服

親王吉服冠頂用紅寶石

賜紅絨結頂者亦得用之冬用海龍薰貂紫貂夏織玉

草或藤竹絲為之紅紗綢裏石青片金緣上綴朱

緯

下至貝勒皆同

帶用金鑲玉板四片共嵌東珠四顆端

罩青狐為之月白緞裏會四共出東在四

賜金黃色者亦得用之左右垂帶各立下至貝子固補倫額駙皆同

服色用石青五爪四團龍補前後正龍兩肩行龍

朝服蟒袍藍及石青諸色隨所用會

賜金黃者亦得用之坐褥冬用狍獐獾皮夏用五

爪龍紅緞襯紅白氈

親王世子朝冠頂金龍二層飾東珠九上脚紅寶

石夏朝冠前綴舍林飾東珠五後綴金花飾東珠

四帶金鑲用金黃色銜玉方版四每具飾東珠三

左右佩絛如帶色補服朝服蟒袍與親王同坐褥

冬用貂皮緣狍獐獾夏用四爪蟒紋藍緞

郡王朝冠頂金龍二層飾東珠八上銜紅寶石夏

朝冠前綴舍林飾東珠四後綴金花飾東珠三帶

用金黃色金銜玉方版四每具飾東珠二貓睛石

一補服色用石青繡五爪行龍兩肩前後各一餘

皆如親王世子

貝勒朝冠頂金龍二層飾東珠七上銜紅寶石夏朝冠前綴舍林飾東珠三後綴金花飾東珠二帶用金黃色金銜玉方版四每具飾東珠二補服色用石青前後繡四爪正蟒各一團朝服蟒袍均不得用金黃色朝服之制如郡王通繡蟒紋皆四爪蟒袍如之坐褥冬用猓獠獠皮夏用藍粧花緞餘如郡王

貝子朝冠頂金龍二層飾東珠六上銜紅寶石戴

三眼孔雀翎夏朝冠前綴舍林飾東珠二後綴金花飾東珠一帶用金黃色金銜玉方版四每具飾東珠一補服色用石青前後繡四爪行蟒各一團坐褥冬用豹皮夏用藍緞緣以粧緞

鎮國公朝冠頂金龍二層飾東珠五上銜紅寶石戴雙眼孔雀翎夏朝冠前綴舍林飾東珠一後綴金花飾綠松石一端罩紫貂爲之帶用金銜玉方版四每具飾貓睛石一補服色用石青前後繡四

爪正蟒方補坐褥冬用紅豹皮夏用紅閃緞襯紅
氈朝服藍及石青諸色隨用披領及袖俱石青片
金緣冬加海龍緣兩肩前後正蟒各一腰帷行蟒
四中有襲積裳行蟒八十一月朔至上元披領及
裳俱表以紫貂袖端薰貂兩肩前後正蟒各一襲
積行蟒四皆四爪袍通繡九蟒皆四爪曾各一圓
賜五爪蟒緞者亦得用之侯伯子男同
輔國公朝冠頂金龍二層飾東珠四上銜紅寶石

戴雙眼孔雀翎坐褥冬用紅豹皮去首尾夏用青
閃緞餘與鎮國公同

鎮國將軍朝冠頂鑲金花座上銜紅寶石中飾東
珠一吉服冠用珊瑚頂帶用金銜方玉版每具嵌
紅寶石一補服前後繡麒麟餘與鎮國公同

輔國將軍朝冠頂鑲金花座上銜鑲花珊瑚中飾
小紅寶石一帶用圓金版每具嵌紅寶石一補服
前後繡獅餘與鎮國公同

奉國將軍朝冠頂鑲花金座上銜藍寶石中飾紅
寶石一吉服冠用藍寶石頂帶用起花金圓版補
服前後繡豹朝服兩肩前後正蟒各一要帷行蟒
四中有襍積裳行蟒八餘與鎮國公同

奉恩將軍朝冠頂鑲花金座上銜青金石中飾藍
寶石一吉服冠用青金石頂帶用起花金鑲銀圓
版補服前後繡虎蟒袍通繡八蟒皆四爪餘與鎮
國公同

閑散宗室四品官頂准其穿用四品武職補服
王貝勒貝子入八分公之子應封者親王之子給
頭品官頂郡王貝勒之子給二品官頂貝子入八
分公之子給三品官頂王貝勒貝子入八分公承
繼之子例不應封者戴用三品官頂

盛京宗室與在京宗室一體給與官頂
親王以下宗室以上俱繫金黃帶覺羅繫紅帶

公主王妃等冠服

固倫公主冠頂金佛簪項圈用東珠十服色用翟

鳥五爪四團龍補子具鑲金黃帶量羅縷珠帶

盃和碩公主冠頂金佛簪項圈用東珠九服色視和

碩大福晉例惠博書博用三品官頭

郡主冠服崇德元年定冠頂大簪舍林項圈各嵌

東珠六顆滿王貝博之子各二品官頭貝子八

和碩格格帽頂大簪金佛項圈各嵌東珠八顆耳

墜項圈金佛大簪所用東珠重五分衣服不許繡

鳳及用黃緞和碩格格
卽郡主

和碩郡主冠頂金佛簪項圈用東珠八服色用翟

鳥蟒緞帽頂大簪金佛項圈各嵌東珠七顆

縣主冠頂金佛簪項圈用東珠七服色蟒緞粧緞

各色緞俱許酌用帽頂大簪金佛項圈各嵌東珠

六顆

郡君冠頂金佛簪項圈用東珠六服色與縣主同

縣君冠頂金佛簪項圈用東珠五服色與郡君同

鄉君冠頂金佛簪項圈用東珠四服色與縣君同
貝子公等側室女降等冠服在貝勒側室女封授
比嫡女既降二等冠服各項俱照所降品級服用
貝子鎮國公輔國公側室女雖降等食五品六品
俸其冠頂服色與縣君同

和碩親王大福晉冠頂金佛簪項圈用東珠十服
五爪龍滿粧緞四補衣用翟鳥蟒緞粧緞補子等
緞

世子大福晉冠頂金佛簪項圈用東珠九服色俱
視和碩大福晉例

郡王大福晉冠頂金佛簪項圈用東珠八服色用
翟鳥蟒緞粧緞補子等緞

貝勒大福晉冠頂金佛簪項圈用東珠七服色蟒
緞粧緞各色緞俱許酌用

貝子大福晉冠頂金佛簪項圈用東珠六服色與
貝勒福晉同

鎮國公夫人冠頂金佛簪項圈用東珠五服色蟒

緞粧緞各色緞俱許酌用

輔國公夫人冠頂金佛簪項圈用東珠四服色與

鎮國公夫人同

婦女冠服命婦照伊夫品級服用

皇后侍從婦女冠用金頂上銜紅寶石

貴妃侍從婦女冠用金頂上銜藍寶石

妃侍從婦女冠用金頂上銜水晶石

親王妃郡王妃侍從婦女與

妃侍從婦女同

貝勒夫人侍從婦女冠用金頂

貝子夫人侍從婦女冠不許用頂各樣首飾俱許

嵌珍珠寶石綠松石

品官等冠服

民公朝冠頂鏤金花座上銜紅寶石中飾嵌東珠

四吉服冠用珊瑚頂端罩貂皮為之補服前後繡

四爪正蟒朝服兩肩前後正蟒各一要帷行蟒四
中有襃積裳行蟒八蟒袍通繡九蟒四爪帶用金
鑲圓玉版四每片嵌貓睛一顆坐褥冬用虎皮夏
用閃緞襯紅毡

侯伯朝冠頂鑲金花座上銜紅寶石侯飾東珠三
顆伯飾東珠二顆吉服冠用珊瑚頂帶用金鑲圓
玉版四侯每具飾綠松石一伯飾紅寶石一坐褥
冬用虎皮去首尾夏侯用青色綠花閃緞伯用藍

雲緞餘與民公同

子朝冠頂鑲金花座上銜紅寶石中飾東珠一吉
服冠用珊瑚頂補服前後繡麒麟帶用金銜方玉
版四每具飾紅寶石一餘皆視一品

男朝冠頂鑲金花座上銜鑲花珊瑚中飾紅寶石
一吉服冠用鑲花珊瑚頂補服前後繡獅帶用鑲
金圓版四每具飾紅寶石一餘皆視二品

固倫公主額駙冠服與貝子同若原係貝勒以上

各照封爵服用吉服冠用珊瑚頂

和碩公主額駙冠服與鎮國公同如封爵在公上

者各照封爵服用

郡主額駙冠服視武一品帶用金銜圓玉版四每

具飾綠松石一餘與侯伯同

縣主額駙冠服視武二品餘與輔國將軍同坐褥

冬用獾皮夏用青布緣紅布襯紅毡

郡君額駙冠服視武三品坐褥冬用貉皮夏用青

布襯紅毡餘與奉國將軍同

縣君額駙冠服視武四品帶用鍍金方鐵板四坐

褥冬用青山羊皮夏用藍布襯白毡餘與奉恩將

軍同

鄉君額駙冠服視武五品帶用鍍金圓鐵版四坐

褥冬用鹿皮夏用白毡

官員頂帶都統尚書冠頂上銜紅寶石帶用金圓

版四飾紅寶石四

內大臣大學士副都統護軍統領前鋒統領侍郎

冠頂上銜藍寶石帶用金圓版四

一等侍衛護衛叅領前鋒叅領學士滿啟心郎郎

中冠頂上銜水晶帶用鍍金鐵版四

二等三等侍衛護衛佐領員外郎冠用金頂帶用

鍍金圓鐵版四

護軍校主事冠用金頂帶用鍍金圓鐵版四

崇德二年

諭曰昔金熙宗及金主亮廢其祖宗時衣冠儀度循漢人

之俗遂服漢人衣冠盡忘本國言語迨至世宗始復舊

制衣冠凡言語及騎射之事時諭子孫勤加學習如元

王馬大郭遇漢人訟事則以漢語訊之有女直人訟事

則以女直語訊之世宗聞之以其未忘女直之言甚為

嘉許此本國衣冠言語不可輕變也我國家以騎射為

業今若不時親弓矢惟耽宴樂則田獵行陣之事必致

疎曠武備何由而得習乎蓋射獵者演武之法服制者

立國之任朕欲爾等時時不忘騎射勤練士卒凡出師
田獵許服便服其餘俱令遵照國初之制仍服朝衣且
諄諄訓諭者非爲目前起見也及朕之身豈有習於漢
俗之理正欲爾等識之於心轉相告誡使後世子孫遵
守毋變棄

祖宗之制耳

雍正元年五月奉

上諭大小官員有一定之品級卽有一定之服式所以重

名器也近多不按品級輒帶數珠馬項懸纓前用導馬
更有將紬爲坐具者尤爲僭越嗣後應各按品級遵奉
定例而行著八旗大臣步軍統領衙門都察院衙門嚴
行稽查如有此等之人卽行指叅若大臣官員等徇情
疎忽經朕查出將伊等一併議處再舊例諸王等以數
珠鞍轡賞伊屬下者許其服用此等人員難於稽查嗣
後著將賞用之處行文該旗存案年底彙奏如此則等
威有辨而僭越者少矣

乾隆十七年三月二十日奉

上諭朕恭閱

太宗文皇帝實錄內載崇德元年十一月癸丑日

上御翔鳳樓集諸親王郡王貝勒固山額真都察院官命

宏文院大臣讀大金世宗本紀

上諭衆曰爾等審聽之世宗者蒙古漢人諸國聲名顯著之賢君也故當時後世咸稱爲小堯舜朕批覽此書悉其梗槩殊覺心往神馳耳目倍加明快不勝嘆賞朕思

金太祖太宗法度詳明可垂久遠至熙宗合喇及完顏亮之世盡廢之耽于酒色盤樂無度效漢人之陋習世宗卽位奮圖法祖勤求治理惟恐子孫仍效漢俗預爲禁約屢以無忘祖宗爲訓衣服語言悉遵舊制時時練習騎射以備武功垂訓如此後世之君漸至懈廢忘其騎射至于哀宗社稷傾危國遂滅亡乃知凡爲君者耽於酒色未有不亡者也先時儒臣巴克什達海庫爾纏屢勸朕改滿洲衣冠效漢人服飾制度朕不從輒以爲

欽定八旗通志 卷八十四
朕不納諫朕試設爲此喻如我等於此聚集寬衣大袖
左佩矢右挾弓忽遇碩翁科羅巴圖魯勞薩挺身突入
我等能禦之乎若廢騎射寬衣大袖待他人割肉而後
食與尙左手之人何以異耶朕發此言實爲子孫萬世
之計也在朕身豈有更變之理恐日後子孫忘舊制廢
騎射以效漢俗故常切此慮耳我國士卒初有幾何因
嫻於騎射所以野戰則克攻城則取天下人稱我兵曰
立則不動搖進則不回顧威名震懾莫與爭鋒此番往

征燕兵出邊我之兵威竟爲八大臣所累矣故諭爾等
其謹識朕言欽此朕每敬讀

聖謨不勝欽凜感慕深惟國家開創之時待我
祖宗躬親勞瘁勤求治理矩矱相傳罔敢渝越以立萬世
之不基至於今咸受無疆之福者皆仰遵

明訓所致也我朝滿洲先正遺風自當永遠遵循守而勿
替是以朕常躬率八旗臣僕行圍較獵時時以學習
國語熟練騎射操演技勇諄切訓誨無非率由舊章



P14 后缺

期以傳之奕禩永綿福祚惟是我
皇祖太宗聖訓所垂載在

實錄若非刊刻宣示則累朝相傳之家法外庭臣僕何由
共悉且自古顯謨令典多勒之金石曉諭羣工我

皇祖太宗之睿聖特申誥誡昭示來茲益當敬勸貞珉永
垂法守著于紫禁箭亭御園引見樓及侍衛教場八
旗教場各立碑刊刻以昭朕紹述推廣至意俾我後
世子孫臣庶咸知滿洲舊制敬謹遵循學習騎射嫻

